

Script of Evening Gojri News Bulletin 25 September 2024 at 1700 Hrs

ایوننگ گو جری نیو ز بلیٹن مو رخہ 25 ستمبر 2024

یوہ آکا شوانی جموں ہے محمد اکرم چودھری تے محمد امین انجم تیں خبر سُنو۔ پہلاں خاص خاص خبر۔

* 1. تمام 26 اسمبلی حلقاں مانہ بعد دوپہر 3 بجے تک 46 فیصد جد کہ جموں گا 11 اسمبلی حلقاں مانہ 61 فیصد ووٹراں نے اپنا حق رائے دیہی غو استعمال کیو۔

* 2. فاروق عبداللہ، عمر عبداللہ، رویندر رینہ، راکیش کمار تے کئیں دوجا نمایاں ووٹراں نے اپنا ووٹ غا حق گو استعمال کیو۔

* 3. تیجا مرحلہ گا چناؤ واسطے بکھ بکھ سیاسی جماعتاں غا لیڈر ووٹراں نانہ اپنے پاسے راغب کر رہیا ہیں۔

* 4. تے مرکزی وزیر کرن رچی جو نے کہیو ہے جے وقف ترمیمی پل غا سلسلہ مانہ مشترکہ پارلیمانی کمیٹی غور کرے گی۔

خبراں غی تفصیل نال پہلاں محمد امین انجم۔

Polling Phase 2nd

بعد دوپہر 3 بجے تک جموں کشمیر غا اُن تمام اسمبلی حلقاں مانہ اہم پولینگ فیصد درج کی گئی جت اج ووٹ پایا جا رہیا ہیں۔ اس سلسلہ مانہ 26 اسمبلی حلقاں مانہ دوجا مرحلہ غے تحت ووٹ پایا جا رہیا ہیں۔ رپورٹاں مانہ دسیو گیو ہے جے پولینگ مرکزیاں غے باہر لمی لمی قطار اپنی با ر ی غو انتظار کرتی نظر آئیں۔ اس ضمن مانہ ووٹینگ سویرے 7 بجے شروع ہوئی۔ 26 اسمبلی حلقاں مانہ کُل 3 ہزار 5 سو 2 پولینگ مرکز بنا یا گیا ہیں۔ 6 ضلعان غا ان حلقاں مانہ سخت حفاظت بشکار ووٹ پایا جا رہیا ہیں۔ جن ضلعان غے اندر اج ووٹ پایا جا رہیا ہیں اُن مانہ ریا سی، راجو ری، پونچھ، جموں صوبہ غا جد کہ سرینگر، بڈگام تے گاندر بل ضلع کشمیر وادی سنگ تعلق رکھیں۔ اس سلسلہ مانہ جموں ڈویژن غا 11 اسمبلی حلقاں مانہ 61 عشاریہ صفر 4 فیصد ووٹراں نے اپنا حق رائے دیہی غو استعمال کیو۔ صوبہ جموں مانہ سب تیں متی ووٹینگ فیصد گلاب گڑھ غی درج کی گئی۔ جہیڑی جے 65 عشاریہ 57 رہی، ریا سی گی شری ماتا ویشنو دیوی سیٹ ور 64 عشاریہ 26، حویلی پونچھ مانہ 62 عشاریہ 95، سرنکوٹ مانہ 62 عشاریہ 15 جد کہ مینڈھر ایس ٹی مانہ 59 عشاریہ 09 فیصد ووٹراں نے ووٹ پایا۔ اسے طرح کالاکوٹ سندر بنی حلقہ مانہ 57 عشاریہ 79 فیصد ووٹراں نے ووٹ دتاراجو ری ایس ٹی مانہ 59 عشاریہ 51، نو شہراہ مانہ 59 عشاریہ 24، تھنہ منڈی ایس ٹی مانہ 59 عشاریہ 09، بڈھل ایس ٹی مانہ 59 عشاریہ 18 پولینگ درج کی گئی۔

Prominent Voters

سابق وزرائے اعلیٰ تے نیشنل کانفرنس گالیڈر فاروق عبداللہ تے عمر عبداللہ نے سرینگر مانہ اور جموں کشمیر بی جے پی گا صدر رویندر رینہ نے نو شہراہ گا لمبیڑی پولینگ مرکز مانہ اپنو ووٹ پایو۔ بڈھل تیں بی جے پی غا ممبر اسمبلی امید وار چودھری

ذلفقار علی، سرنکوٹ تیں سید مشاق احمد بخاری، تھنہ منڈی تیں محمد اقبال ملک، شری ماتا ویشنو دیوی تیں بلدیو راج شرما، ریا سی تیں کلدیپ راج دوبے نے اپنا اپنا پولینگ مرکزیاں مانہہ ووٹ پایو۔ کانگریس غا سرنکوٹ تیں امید وار شاہنواز چودھری، نیشنل کانفرنس غا بدھل تیں امید وار جا وید چودھری، تھنہ مندی تیں پی ڈی پی غا امید وار چودھری قمر حسین، سابق وزیر جگل کشور شرما آزاد امید وار شری ماتا ویشنو دیوی حلقہ نے کٹڑا مانہہ اپنو ووٹ پایو۔

Border Voter

شہری غا فرض غی اک قابل غور نمائش مانہہ سرحدی علاقان گا لوکان نے بڑی گنتری مانہہ ووٹ پایا۔ تے سرحدی تار بندی غا آر پار پولینگ اسٹیشن ور سہولتیاں واسطے چناؤ کمیشن کی تعریف کی۔ خطراں غے باوجود ان لوکان نے پرجوش طریقہ نال ووٹ پایا۔ تے جمہوری کا روائی مانہہ حصو لیتاں وان علاقان غی ترقی تے بہتر بنیادی ڈھانچہ غی امید ظاہر کی۔۔۔ بانٹ۔۔

Migrants Voters

کشمیری پنڈتیاں نے جموں مانہہ قائم خصوصی پولینگ مرکزیاں ور اپنو ووٹ پایو۔ اس سلسلہ مانہہ 19 پولینگ مرکزیاں مانہہ فی مرکز 15/15 بوتہ بنایا گیا تھا۔ اس موقعہ ور مانا نگرینٹ لوکان نے دسیو جے اس بار غا ووٹ ان واسطے کتنا ضروری ہیں۔ کیونجے وین پرامن مستقبل اور وادی واپسی غی امید کریں۔ کنیں افراد واسطے یہ ووٹ صرف ووٹ پان تک تیں زیادہ معنی رکھیں تھا۔ تے ان سنگ بہتر اور مستحکم مستقبل غی نمائندگی ہوئے۔ اس موقعہ ور کجھ ووٹراں نے اس طرح کہیو۔۔۔ بانٹ۔۔

Huge Enthusiasm

ریا سی مانہہ 102 بہراں گا حاجی کرمدین بھٹ کہر تیں ووٹ پان غے بجائے پولینگ مرکز آیا۔ انہاں نے کہیو جے اگر اک چنگی سرکار بنے تاں متو سارو کم وے گو تے نوجواناں مانہہ چاہیے جے وین بہتر تعلیم حاصل کریں۔ اور کاروپا ر قائم کریں۔ ان غو کہنو تھو جے ہر ایکن مانہہ ووٹ پان واسطے آنو چاہیے۔ بزرگ نے لوکان مانہہ اپیل کی جے وین ووٹ پان آویں۔ ضلع ریا سی مانہہ 3 اسمبلی حلقہ ہیں۔ جن مانہہ گلاب گڑھ ایس ٹی، ریا سی تے ماتا ویشنو دیوی حلقو شامل ہیں۔ ضلع ریا سی مانہہ پولینگ مرکزیاں غے باہر لمی لمی قطار دیکھی گئیں جت ووٹ پان غی کا روائی چل رہی ہے۔

Delegation Jk Election

اج اک اعلیٰ سطحی وفد وادی کشمیر غو دورو کر رہیو ہے۔ اس وفد مانہہ 15 ملکان گا نمائندہ شامل ہیں۔ تے اس غو مقصد چل رہیا اسمبلی چناؤ دیکھنا ہیں۔ وفد مانہہ امریکہ، میکسیکو، گیانا، جنوبی کوریا، سومالیہ، پانامہ، سنگاپور، نائجر، سپین، جنوبی افریقہ، ناروے، طنزانیہ، روانڈا، الجیریہ تے فلپین گا نمائندہ شامل ہیں۔ قابل ذکر ہے جے جموں کشمیر غے اندر 3 مرحلاں مانہہ چناؤ منعقد کیا جا رہیا ہیں۔ تے اس طرح 24 سیٹاں ور 18 ستمبر مانہہ ووٹ پایا گیا تھا۔ جد کہ دوجا مرحلہ مانہہ اج 26 نشستیاں ور ووٹ پایا جا رہیا ہیں۔ اس سلسلہ مانہہ تیجا مرحلہ مانہہ یکم اکتوبر مانہہ ووٹ پایا جائیگا۔ اور ووٹاں غی گنتری 8 اکتوبر مانہہ وے گی۔

یہ خبر تم آکاشوانی جموں تین سن رہیا ہیں خبراں غا باقی حصہ نال محمد اکرم چودھری۔

Campaign 3rd Phase

جموں کشمیر مانہ اسمبلی چناواں غا تیجا تے آخری مرحلہ واسطے سیا سی جماعتاں غی طرفوں چناؤ پرچار مہم تیزی نال چل رہی ہے۔ اس مرحلہ مانہ 40 اسمبلی حلقاں مانہ یکم اکتوبر نانہ ووٹ پایا جائیں گا۔ اس ضمن مانہ بکھ بکھ سیا سی جماعتاں گا لیڈر جلسہ تے گل باقی اجلاس اور روڈ شو منعقد کرے گا لوکاں نانہ اپنے پاس سے متوجہ کر رہیا ہیں۔ لوک سبھا مانہ حزب اختلاف غا لیڈر راہل گاندھی اج پاس رٹی غا پرچار واسطے جموں کشمیر پُجیا۔ انہاں نے جموں غا جے کے ریزارٹ گراؤنڈ مانہ اک جلسہ نال خطاب کیو۔ اس دوران بی جے پی تیں مرکزی وزیر داخلہ امت شاہ گو کٹھوعہ تے اُدھم پور مانہ 4 ہور عوامی اجتماعاں سنگ خطاب کرن گو نقشہ کار ہے۔ 26 ستمبر نانہ اتر پردیش غا وزیر اعلیٰ یو گی ادیتیا ناتھ وی اسے تہارے پروبر جلساں نال خطاب کریں گا۔ وزیر دفاع راجناتھ سنگھ، سڑک ٹریفک تے قومی شاہراں بارے مرکزی وزیر نتن گڈکری تے دوجا مرکزی وزراء، سابق مرکزی وزراء تے بی جے پی غا راج آلی ریاستاں غا وزرائے اعلیٰ وی 26 ستمبر تیں 29 ستمبر بشکار پرچار کریں گا۔ تیجا مرحلہ گا چناؤ بارے اُمید واراں غا حق مانہ وزیر اعظم نریندر مو دی 28 ستمبر نانہ ایم اے سٹیڈیم مانہ اک بڑو جلسو منعقد کریں گا۔ قابل ذکر ہے جے جموں کشمیر مانہ چل رہیا اسمبلی چناواں گا سلسلہ مانہ وزیر اعظم غو یوہ چوتھو چناوی جلسو وے گو۔ اس تیں پہلاں جناب مو دی نے ڈوڈہ سرینگر تے کٹرا مانہ جلسہ کیا۔

Poonch Polling

ضلع پونچھ غا 483 پولینگ مرکزوں و ووٹ پان غی کا روائی اج سویرے 7 بجے شروع ہوئی۔ ضلع مانہ پولینگ پُر امن طریقہ نال چل رہی ہے۔ ہائی اسکول پُرانی پونچھ گا پولینگ مرکز غا پہلا ووٹر راجیش شرما نے جوش غو مظاہر و کرتاں واں کہیو جے یوہ ووٹ پونچھ غی ترقی واسطے ہے۔ پہلی بار ووٹ پان آلی اک کالسری نے کہیو جے اُن گو ووٹ بھی پونچھ غی ترقی واسطے ووٹ ہے۔ بانٹ۔۔۔

Waqf Boarder

اقلیتی امور غا وزیر کرن رچی جو نے اُمید ظاہر کی ہے جے وقف ترمیمی بل غا جائزہ لین خاطر تشکیل دتی گئی۔ پارلیمنٹ غی مشترکہ کمیٹی ممکنہ طور و پارلیمنٹ غا آئندہ سرمائی اجلاس غا پہلا ہفتہ تک اپنی رپورٹ پیش کرے گی۔ انہاں نے کہیو جے ہُن توڑی 1 کروڑ تیں زیادہ نمائندگی ہُن توڑی کمیٹی غے کول آئی ہیں۔ وزارت نے کہیو جے مو دی حکومت غا 3.0 حکومت مانہ اقلیتی امور غی وزارت غی 100 دن غی کامیابیاں غے بارے میڈیا نانہ بریفینگ دیتاں واں وزیر نے کہیو جے اس سلسلہ مانہ وسیع مشاورت جاری ہے۔ اور کمیٹی اس سلسلہ مانہ سرکار، سماجی تنظیمیں توں کچھ رائے خیالات حاصل کر رہی ہے۔ انہاں نے کہیو جے اس توں پہلاں وی وقف بل مانہ ترمیم کی گئی تھی۔ پُر ہُن بہتر جمہوریت نانہ نظر مانہ بڑا پیمانہ و صلاح مشورہ طلب کیا گیا ہیں۔

اس غے نال ہی خبراں غو یوہ بلیٹن ختم بوؤ۔